

Baxei

A fillus mius

It'e' cust'annungiu?
Cali funt is cosas chi si passant
in is pinniccas de su pensamentu?
Chistionai libertus,
cun sinzillidadi,
sen"e nudda pensai a is cabizzalis
de sa differenti edadi...

Oristais - mi narais -
is contestazionis...
i' mancanzias de sa scola?...
Fillus mius,
De su sessant'ottu 'os aterus
no nd'heis intendiu mancu s'arviu,
sa rivoluzioni e' sempiri accanta
po chi - a fueddus - dd'hiat a bolli'
fai po sa prim'orta
e troppu attesu po chi cun totu is forzas
- in aterus tempus - hiat crettiu
de dda podi fai.

BABBU,

ci passant is poburus,
nos hiaus a bolli'...

Bastat!
No m'acciungiais fueddus.
Sa ghitarra mia est appiccada a s'acciolu
chi deu credia de sa rassegnazioni
Spiccaindedda!
Accordaidda cun gana e cun sentidu
cumentu conzillat s'edadi chi s'accumpagnat
e baxei,

BAXEI...

e sonai muttettus de democrazia
in d'ogna cabudu 'e mundu
finzas a candu in su cuccuru prus artu
no nc'eis a poni' sa bandera ingespiada
de sa libertadi.
Baxei, fillus mius,

BAXEI...